

Evening Dogri News Bulletin,

17 September 2024 18:15 Hrs

Headlines

- जम्मू-कश्मीर च होने आहले विधानसभा चुनाऽ दे पैहले गेड़ लेई तैयारियां मुकम्मल, कल 23 लक्ख 27 ज्हार मतदाता 7 जिलें च फैले दे विधानसभा हल्के लेई 10 बरें दे वक्फे मगरा वोट पाने दे अपने अधिकार दा इस्तेमाल करडन।
- राष्ट्रपति द्रोपदी मुर्मू होरें पानी दे संरक्षण, बेहतर प्रबंधन, विकास ते बंडु सरबंधी लक्ष्य गी हासल करने आस्तै जन आंदोलन गी बढ़ावा देने दी जरूरता पर जोर पाया।
- प्रसार भारती दे चेयरमैन नवनीत कुमार सहगल होरें आखेआ ऐ जे सारिएं भाषाएं दा सम्मान करदे होई हिंदी दा प्रचार करना लोडचदा ऐ।
- केंद्री गृह मंत्री अमित शाह होरें आखेआ जे मोदी सरकार दे त्रीए कार्यकाल दे पैहले 100 दिनें च सरकार आस्सेया 15 लक्ख करोड़ रपे दी परियोजनां शुरू कीत्तियां गेइयां।

<><><><><><>

1st Phase Polling

जम्मू-कश्मीर च 10 बरें मगरा चुनां होआ रदे ना। कल केंद्र शासित प्रदेश च पैहले गेड़ तैहत वोट पाए जाने ना। इस चरण तैहत 7 जिलें च मतदान होगा। आकाशवाणी जम्मू संवाददाता दी रिपोर्ट मुजब इस गेड़ च 23 लक्ख थवां बढ़ मतदाता वोट पाने दे अपने अधिकार दा इस्तेमाल करडन। पैहले गेड़ तैहत 219 मेदवार चुनां मैदान च जिंदे च 90 आजाद मेदवार ना। पैहले गेड़ तैहत 24 विधानसभा हल्के च मतदान होना ऐ। इंदे च जम्मू खितते दे त्रै जिलें दे 8 विधानसभा हल्के ते घाटी दे 4 जिलें दे 16 विधानसभा हल्के शामिल ना। 2019 च दफा 370 हटने दे मगरा एहू पैहले विधानसभा चुनां ना। कुल 23 लक्ख 27 ज्हार 580 मतदाता वोट पाने दे अपने अधिकार दा इस्तेमाल करडन। कुल मतदाताएं च 11 लक्ख 76 ज्हार 462 मर्द, 11 लक्ख 51 ज्हार 58 महिलां ते 60 थर्ड

जेंडर मतदाता ना 18 थवां 19 बरें दे 1 लक्ख 23 ज्हार मतदाता ना 28 ज्हार 319 दिव्यांग मतदाता ते 15 ज्हार 774 बुजुर्ग मतदाता ना 3 ज्हार 276 मतदान केंद्रें पर 14 ज्हार मतदान अमला लाया गेआ ऐ। 302 मतदान केंद्र शैहरी इलाकें च ते 2 ज्हार 974 मतदान केंद्र ग्रामीण इलाकें च कायम कीते गेदे ना। जम्मू-कश्मीर पुलस नै चुनाएं लेई सुरक्षा दे लोडचदे बंदोबस्ते कीते गेदे ना। त्रै सतह आहली सुरक्षा बवस्था ऐ जेदे च केंद्र सशस्त्र नीम फौजी बल, जम्मू-कश्मीर सशस्त्र पुलस ते जम्मू-कश्मीर पुलस शामिल ऐ। जिनें विधानसभा हल्कें लेई कल वोट पाए जाने न, उंदे च कश्मीर खित्ते दे पाम्पोर, त्राल, पुलवामा, राजपौरा, जैनपोरा, शोपियां, डी.एच, पोरा, कुलगाम, देवसर, डुरू, कोकरनाग, अनंतनाग पच्छिम, बिजबिहाड़ा, शंगुस-अनंतनाग, पहलगाम शामिल ना। इसै चाल्ली जम्मू खित्ते दी जिनें विधानसभा सीटें लेइ, वोट पाए जाने न, उंदे च इंद्रवाल, किशतवाड़, पाडर, नागसैनी, भद्रवाह, डोडा, डोडा-पच्छिम, रामबन ते बनिहाल शामिल ना। कल जिनें प्रमुख सियासी मेदवारें दा भविक्ख ई.वी.एम च कैद होई जाग, उंदे च नेशनल कांफ्रेंस दे नेता ते साबका मंत्री खालिद नजीब सोहरावर्दी, कांग्रेस दे विकार रसूल वाणी, बीजेपी दे सुनील शर्मा, शक्ति राज परिहवार ते गुलाम मोहम्मद सरूरी हुंदे नां मुख तौरा पर शामिल ना।

<><><><><><>

Poll-Parties

डोडा जिले लेई मतदान अमला अज्ज अपने तय मतदान केंद्रें लेई ईवीएम कन्नै रवाना होआ। कल यानि 18 सितंबर गी पैहले गेड़ तैहत मतदान होना ऐ। डोडा च 534 मतदान पार्टिं गी दूर दरेडे इलाकें लेई रवानाकीता गेआ। इसै दौरान रामबन ते किशतवाड़ जिलें लेई बी मतदान अमले गी तय केंद्रें तगर ईवीएम लेइए भेजेया गेआ। रामबन दे डिप्टी कमिशनर बसीर उल हक चौधरी हुंदी दिक्ख-रिक्ख च चुनां तयारियां रामबन जिले च पूरे जोश कन्नै जारी ना। मतदान सरबंधी समेयान जियां ईवीएम, वी.वी.पैट, सियाई ते होर दुआ सरबंधी समेयान भेजेया गेआ। 256 ईवीएम ते 256 वी.वी.पैट रामबन गी 291 ई.वी.एम ते 291 वी.वी.पैट बनिहाल हल्के लेई दित्तियां गेइयां।

राश्ट्रपति द्रौपदी मुर्मू होरें पानी दे संरक्षण, बेहतर प्रबंधन, विकास ते बंड सरबंधी लक्ष्य गी हासिल करने आस्तै जन आंदोलन गी बढावा देने दी जरूरता पर जोर पाया ऐ। नमीं दिल्ली दे भारत मंडपम च 8में भारत जल सप्ताह दा उद्घाटन करदे होई राश्ट्रपति होरें पानी दे संरक्षण ते होरनें मुद्दे कन्नै निब्वडने आस्तै इकजुट होइए जत्त करने दे महत्व गी उजागर कीता। उनें आखेआ जे पानी दे संसाधन दे प्रबंधन बारै मुख्य दी मती सारी प्राचीन कार्य प्रणालिं च जिक्र थ्हांदा ऐ। एह अज्ज बी प्रासांगिक ना। इंदा इस्तेमाल आधुनिक तौर पर बी कीता जाना लोडचदा। राश्ट्रपति होरें आखेआ जे आजादी का अमृत महोत्सव दौरान पानी सरबंधी इकाइं, तलां वगैरा दा निर्माण होआ। केइं गी परतिए नमें सिरेआ सौआरेआ गेआ। राश्ट्रपति होरें खुशी जाहिर कीती जे 78 फीसद ग्रामीण क्षेत्रें च नलकें रां पानी दे कनेक्शन पैहले गै दित्ते जाई चुके दे ना। इस मौके अपने संबोधन च जल शक्ति मंत्री सी.आर पाटिल होरें मजबूत सहयोग, सांझेदारी ते प्रगतिशील हल रां पानी दे संकट कन्नै निब्वडने दा सब्बनें गी आह्वान कीता।

<><><><><><>

Jatinder Singh

केंद्री मंत्री डॉ. जतिंद्र सिंह होरें कांग्रेस दे दावें गी जेदे च आखेआ जा रदा ऐ जे जम्मू-कश्मीर दा राज्य दा दर्जा परतिए बहाल कीता जाग, गी खारिज करी दित्ता ऐ। उनें आखेआ जे कांग्रेस इस बारै किश बक्खरा नेई आक्खा रदी ऐ की जे प्रधानमंत्री नरेंद्र मोदी होरें पैहले थ्वां गै वायदा कीते दा ऐ जे चुनां मगरा जम्मू-कश्मीर दा राज्य दा दर्जा बहाल करी दित्ता जाग। कांग्रेस दे घोषणा पत्र दा कोई भरोसा नेई ऐ ते लोक इसी गंभीरता कन्नै नेई लेंगन। कांग्रेस ते नेशनल कांफ्रेंस एह झूठा ते गलत माहौल तैयार करा रदियां न जे राज्य दा दर्जा उंदे दवा करी बहाल कीता जाग, पर एह चीज कम्म नेई करने आहली ऐ। प्रदेश च त्रै चरणें च विधानसभा चुनां होने ना। पैहले गेड़ तैहत कल वोट पाए जांगन। दुए गेड़ तैहत 25 सितंबर गी ते त्रिए गेड़ दे चुनां पैहली अक्तूबर गी होंगन। वोटें दी गिनतरी आहला कम्म 8 अक्तूबर गी होग।

<><><><><><>

Prasar Bharti Hindi Diwas

प्रसार भारती दे चेयरमैन नवनीत कुमार सहगल होरें आखेआ ऐ जे सारी भाषाएं दा सम्मान करदे होई हिंदी दा प्रचार करना चाइदा। नमीं दिल्ली च प्रसार भारी च हिंदी दिवस पर आयोजित इक कार्यक्रम गी संबोधित करदे होई सहगल होरें आखेआ जे हिंदी भाषा बोलने ते समझने च असान ऐ। उनें आखेआ जे सारेंगी फख कन्नै हिंदी बोलनी चाइदी। सहगल होरें आखेआ जे स्हाड़े प्रधानमंत्री होर बी बड्डे-बड्डे मंचें पर हिंदी च गै भाषण दिंदे ना। प्रसार भारती दे मुख कार्यकारी अधिकारी गौरव द्विवेदी होरें हिंदी भाषा गी दफ्तरें दे कम्में च ज्यादा कोला ज्यादा इस्तेमाल करने पर जोर पाया। उनें आखेआ जे हिंदी भाषा दी अपनी इक खास थाहर ऐ। महानिदेशक आकाशवाणी, प्रज्ञा पलिवाल, महानिदेशक दूरदर्शन कंचन प्रसाद ते दुए वरिष्ठ अधिकारी इस मौके मौजूद हे।

<><><><><><>

Shah-100 days

केंद्री गृह मंत्री अमित शाह होरें आखेआ जे 15 लख करोड़ रपे दी परियोजनां मोदी सरकार दे पैहले 100 दिनें च मंजूर कीतियां गेइयां ते किश शुरू कीतियां गेइयां ना। उनें दस्सेया जे देश दी अर्थ बवस्था गी मजबूत बनाने, वैश्विक स्तर दे विकास आस्तै, गरीब ते मध्य वर्गीय लोकें दे जीने दे स्तर गी बेहतर बनाने ते पर्यावरण संरक्षण लेई सरकार दे कई महत्वपूर्ण फैसले लैते ना। मोदी सरकार दे त्रीए कार्यकाल दे 100 दिन पूरे होने दे मौके गृह मंत्री अमित शाह ते सूचना ते प्रसारण मंत्री अश्विनी वैष्णव होरें इक पुस्तिका ते पर्चे जारी कीते जेडे मोदी सरकार तरफा कीते गेदे कम्में पर आधारित हे। मीडिया कन्नै नमीं दिल्ली च गल्लबात करदे होई शाह होरें पिछले 10 बरें च सरकार तरफा विकास आस्तै कीती गेदी पहलकदमिएं दी तारीफ कीती। उनें आखेआ जे आधारभूत विकास परियोजनाएं आस्तै 3 लख करोड़ रपे पिछले 100 दिनें च मोदी सरकार नै मंजूर कीते ना। 50 ज्हार 600 करोड़ रपे देश च शिड़क संपर्क बेहतर बनाने आस्तै खर्च कीते गेदे ना। भारत च मेक इन इंडिया मुहिम तहत घरेलू उत्पादन च बी इजाफा होआ ऐ। शाह होरें मेद जताई ऐ जे सेमीकंडक्टर क्षेत्र च भारत इक मजबूत थाहर हासल करोग। गरीबें आस्तै कीते गेदे कम्में बारै बोलदे होई शाह होरें आखेआ जे सरकारी कल्याण योजनाएं कन्नै पिछले 10 बरें च 66 करोड़ लोकें गी लाहू पुजा ऐ। पी.एम किसान निधि योजना हेठ 9 करोड़ करसानें गी 20 ज्हार करोड़ रपे दित्ते गए। मध्य वर्गीय लोकें दे सशक्तिकरण आस्तै गृह मंत्री होरें आखेआ जे 7 लख रपे तक दी सालाना आमदन पर टैक्स नेई लाया जाग।

<><><><><><>

Rajnath 100 Days

रक्षा मंत्री राजनाथ सिंह होरें दोहराया ऐ जे सरकार भारत गी रक्षा क्षेत्र च आत्मनिर्भर बनाने आस्तै बचने बज्झी दी ऐ। नरेंद्र मोदी सरकार दे 100 दिनें दी उपलब्धिं बारे बोलदे होई आखेआ जे मंत्रालय नै 15 लकख करोड़ रपे दे रक्षा उपकरणें ते समान दी खरीद आस्तै मंजूरी देई दित्ती ऐ। सरकार नै 501 चीजां शामिल कीत्तियां ना। मंत्री होरें समाज दे हर तबके दे विकास आस्तै सरकार तरफा कीती जा रदी कोशिशें बारै बोलदे होई आखेआ जे सरकार भारत गी 2047 तोड़ी विकसित राष्ट्र बनाने दी राह पर चला रदी ऐ। विपक्ष दे नेता राहुल गांधी हुंदी तरफा सरकार दी नुख्ताचीनी करने दे सरबंध च इक सवाल दे जवाब च सिंह होरें आखेआ जे कांग्रेस नेता राहुल गांधी हुंदी कोई विश्वसनीयता नेई ऐ। उनें इल्जाम लाया जे गांधी होर दुए देशें च जाइए अपने देश दी छवि गी खराब करदे न जेड के चिंता दा विषय ऐ।

<><><><><><>

Puri 100 days

पेट्रोलियम ते कुदरती गैस मंत्री हरदीप सिंह पुरी होरें मोदी सरकार दे त्रीए कार्यकाल दे 100 दिनें बारे बोलदे होई आखेआ जे सरकार नै देश दे विकास आस्तै बेहतरीन कम्म कीते ना। उनें प्रधानमंत्री आवास योजना, उज्जवला योजना जनेई सरकारी कल्याणकारी योजनाएं गी सरकरा दी बड्डी उपलब्धि दस्सेया।

<><><><><><>

Gadkari-EPMKN

केंद्री शिडक यातायात ते जरनैली शिडक मंत्री नितिन गडकरी होरें आखेआ जे शिडक ते जरनैली शिडके दे निर्माण दौरान सरकार नै प्रदूषण फैलाने आहले तत्वे थमां पर्यावरण दी रक्षा गी पूरी तरजीह दित्ती ऐ। स्वभाव स्वच्छता संस्कार स्वच्छता मुहिम पर गाजियाबाद, उत्तर प्रदेश च आयोजित इक कार्यक्रम गी संबोधित करदे होई गडकरी होरें लोकें ते गड्डियां बनाने आहली कंपनिएं गी वैकल्पिक ईंधन दे इस्तेमाल आस्तै आखेआ।

<><><><><><>

MIB-Divyang Persons

सूचना ते प्रसारण मंत्रालय नै दिव्यांग लोके दी सिनेमा तोड़ी पुज्ज बनाने आस्तै इक महत्वपूर्ण गै पुट्टी ऐ। दिशा-निर्देशे मताबक थियेटर च लगने आहली फिल्में च दुए नां उपशीर्षक शामिल करना जरूरी हैन जेदे कन्नै सुनने ते दिक्खने च अक्षम लोके गी मदद मिलोग। एहदे आस्तै ई-सिने प्रमाण पत्र माञ्जूल शुरू कीता गेआ ऐ। मंत्रालय नै दिशा-निर्देश जारी करने आस्तै 15 सितंबर 2024 दी तरीक चुनी ऐ। एहू दिशा-निर्देश सी.बी.एफ.सी केंद्री फिल्म प्रमाणन बोर्ड तरफा प्रमाणित फीचर फिल्में पर लागू होंगन। फिल्मां जेड़ी के 1 थमां ज्यादा भाषाएं च प्रमाणिकता हासिल करदियां न, उंदे आस्तै सुनने ते दिक्खने च अक्षम लोके आस्तै किश खास जियां7सीमित अनुशीर्षक या आवाज राएं विवरण देना, बगैरा शामिल करना जरूरी ऐ।

<><><><><><>